

مرند اۇيگو

## Mərənd öykü



گوننى

يازار: روح انگيز پورناصح

Web address: [www.marand-oyku.arzublog.com](http://www.marand-oyku.arzublog.com)

Facebook: [www.facebook.com/marandoyku](http://www.facebook.com/marandoyku)

Email: [rezaaydin491@yahoo.com](mailto:rezaaydin491@yahoo.com)

## گونئی روح انگیز پورناصح

اوزاقلاردا گۆی اوزو قارالدى بىردن. گليب پنجره نين قاباغيندا دايانديم. نه ده ن بئله توستولوايدى هاوا؟ بلکه ده بير يئر اود توتوب يانيردى؟ نفسيمى دالى قايتارديم. پنجره نى باغلاديم. اوسگورمه يه دوشسه يديم اگر، قورتارماق بيلمزدى.

گۆزومو قيرپمادان حيرتله گۆيه باخيرديم. قاراليق گئت- گئده ياخينلاشيردى. توستونون بونجا قاراليغينا، اۆزوده بو سرعتله ياخينلاشماسينا اينانا بيلميرديم. واى! اينديه دک بو قدهر قارا قوشو بير يئرده گۆرمه ميشديم. قوش سنل ايدى، آما نه بير يئرى بيخيردى، نه اۆزو ايله بير شىي آپايردى.

قارانقوش ايديلر يوخسا؟ گۆيده دالغالانيرديلار. جيککيلتى لرى گۆيه يئرله شمه دن يئرله دولموشدو. من سئون قوشلار، اوره ييمده بير زادى قايناديرديلار. بعضى لرى گئرى قاليرديلار. اۆزونو ايتيرميش لر کيمى اوچوردولار؛ دالغالار گئرى قايتديقدا قاريشيب اونلارا گئديرديلر. بعضى لرى هوندور بنالارين اوستونه قونوب، بير آز دينجلديکن سونرا قانادلانيرديلار. اوزاق يئرلردن گليب اوزاق يئرله گئندلره بنزه ييرديلر. قار چوخ تئز باشلاميشدى، چوخ تئز. منسه اوشويوردوم. چوخ اوشويوردوم. اوستومه نچه يورغان چکه- چکه، يئنه ده اوشويوردوم. سوبايا دايانيرديم، گۆوده م يانيردى، ايچيمده کى بوزلار قاتى لاشيردى آما.

اونلارلا اوچا بيلسيديم اگر! اونلارلا اوچماغا قرارلاندیم. گونئی دن باشقا گئده جک لرى يئر اولاي بيلمزدى. اونلار يالنيز گونش يوردونون يولچولاريديلار. پنجره نين هره سينه چيخيب، قوللاريمى آچديم. قالديريپ، ائنديريرديم. بير آز سرعت لنديريرديم. گۆزلريمى يومدوم. بيريسى منى توتارکن باغيردى، دلى نين بيرى دلى دوش يئرله. سۆزونه باخمادان ايشيمه دوام ائله ديم.

قوشلارلا برابر، گۆيده دالغالانيب گونئی يه سارى اوچوردوم. گۆيون اوزوندن هر شئىي گۆرمک اولوردو. ايچيمده کى بوزلار يئرله وئرميشدى قاينار بولاغلارا، ايستى دولوردو جاننما. قوشلار منى احاطه ليب، جيککيله يه- جيککيله يه گلين آپايرديلار گونئی يه دوغرو. آشاغيا باخديم. پنجره نين هره سيندن ايکيسى ده منه باخيرديلار.